



Каспий теңізінде тосын оқиғаларды болғызбау туралы келісімді ратификациялау туралы

Қазақстан Республикасының Заңы 2019 жылғы 13 мамырдағы № 256-VI ҚРЗ.

2018 жылғы 12 тамызда Ақтауда жасалған Каспий теңізінде тосын оқиғаларды болғызбау туралы келісім ратификациялансын.

Қазақстан Республикасының
Президенті

Қ. ТОҚАЕВ

Каспий теңізінде тосын оқиғаларды болғызбау туралы келісім

Бұдан әрі Тараптар деп аталатын Эзербайжан Республикасының, Иран Ислам Республикасының, Қазақстан Республикасының, Ресей Федерациясының және Түркменстанның үкіметтері

осы Келісім шенберінде Каспий теңізінде Тараптар мемлекеттерінің қарулы күштері әскери корабльдерінің жүзуі және әуе кемелерінің ұшуы қауіпсіздігін қамтамасыз етуге ұмтыла отырып,

тиісті жалпыға бірдей қабылданған қағидаттар мен халықаралық құқық нормаларын басшылыққа ала отырып,

төмендегілер туралы келісті:

1-бап

1. Осы Келісімнің мақсаттары үшін:

а) "әскери корабль" Тараптар мемлекеттерінің бірінің қарулы күштеріне тиесілі, тегі әскери қызметшілердің тізіміне немесе оған балама құжатқа енгізілген, тиісті Тараптың мемлекеттік қызметінде тұратын офицердің қолбасшылығындағы жүйелі әскери тәртіпке бағынатын экипажбен жасақталған, мұндай кеменің ұлттық белгісімен ерекшеленетін сыртқы белгілері бар кемені білдіреді;

б) "әуе кемесі" Тараптар мемлекеттерінің бірінің қарулы күштеріне тиесілі, аудан ауыр немесе жеңіл, мұндай ұшу аппараттарының ұлттық белгісімен ерекшеленетін сыртқы белгілері бар ұшу аппаратын білдіреді;

с) "әскери корабльдер тобы" бірге жүзетін және бірлесіп маневр жасайтын екі немесе одан да көп әскери корабльдер құралымын білдіреді;

д) "маневр жасау" әскери корабльдің немесе әскери корабльдер тобының қозғалыс бағытын (бағдарын) және/немесе жылдамдығын өзгертуді білдіреді.

2-бап

Осы Келісім Тараптардың Каспий теңізінде, аумақтық сулардан және оның үстіндегі әуе кеңістігінен тыс жерде іс-қимыл жасайтын әскери корабльдеріне және әуе кемелеріне қолданылады.

3-бап

Тараптар өз әскери корабльдері командирлерінің 1972 жылғы Тенізде кемелер соқтығысуының алдын алудың халықаралық қағидаларын (ТКСАХҚ-72) мұлтіксіз сақтауы жөнінде шаралар қолданады.

4-бап

1. Тараптардың әрқайсысының басқа Тараптардың әскери корабльдеріне жақын жерде іс-қимыл жасайтын әскери корабльдері соқтығысу қаупін болғызбау үшін әскери корабльдер ТКСАХҚ-72-ге сәйкес бағдары мен жылдамдығын сақтау қажет болатын жағдайларға ұшырамайтында қауіпсіз қашықтықта болуға тиіс.

Тараптардың әскери корабльдері күндіз 2 теңіз милінен және түнде 3 теңіз милінен кем арақашықтықта немесе нашар көріну жағдайларында жақындаған кезде осы Келісімнің 6-бабында айқындалған тәртіппен байланыс орнатады.

2. Тараптардың әрқайсысының басқа Тараптардың әскери корабльдері топтарымен кездесетін немесе оларға жақын жерде іс-қимыл жасайтын әскери корабльдері ТКСАХҚ-72-ні орындау үшін осы әскери корабльдер топтарының маневр жасауын орындауды қынданатын осында маневр жасауды болдырмайды.

3. Тараптардың бір-біріне көріну шегінде болатын әскери корабльдері өз іс-қимылдары мен ниеттерін белгілеу үшін ТКСАХҚ-72-де Халықаралық сигналдар жиынтығында көзделген сигналдарды (жалаушамен, дыбыспен немесе жарықпен берілетін), осы Келісімге қосымшада қамтылған Арнайы сигналдар кестесін пайдаланады. Түнде немесе күндіз шектеулі көріну жағдайларында немесе жарықтың түсі әуе кеңістігінде қашықтық жалауша сигналдары байқалмайтында болған жағдайларда бұл мақсаттар үшін жарық сигналдарын немесе 16-арнадағы (156,8 МГц) УКТ-радиобайланысы құралдарын пайдаланған жөн.

4. Тараптардың әскери корабльдері:

а) басқа Тараптың әскери корабльдері мен әуе кемелері бағытына жауынгерлік маневр жасау, қаруды, зымырандарды ұшыру қондырыларын, торпедалық аппараттар мен қару-жарақтың басқа да түрлерін бұру жолымен шабуылдарды имитациялауды қолданбауға тиіс;

б) басқа Тараптың әскери корабльдері бағытына осы әскери корабльдер үшін қауіп төндіретіндей не теңізде жүзуі үшін кедергі келтіретіндей қандай да бір заттарды тастамауға тиіс;

с) прожекторларды немесе басқа да жарықтандыру құралдарын басқа Тараптың әскери кораблін немесе әуе кемесін басқаруда кедергі келтіретіндей етіп пайдаланбауға тиіс;

д) лазерлер мен кез келген басқа да техникалық құралдарды басқа Тараптың әскери кораблін немесе әуе кемесін басқаруда кедергі келтіретіндей, ондағы жеке құрамның денсаулығына зиян келтіретіндей немесе жабдыққа залал тигізетіндей етіп қолданбауға тиіс;

е) басқа Тараптың әскери корабльдері мен әуе кемелері бағытына осы әскери корабльдер немесе әуе кемелері үшін қауіп төндіретіндей етіп сигналдық зымырандарды ұшырмауға тиіс;

ф) басқа Тараптың әскери корабльдері мен әуе кемелерінің радиоэлектрондық және навигациялық құралдарына қасақана кедергі келтірмеуге тиіс.

5. Суасты жағдайында болатын сұңгуір қайықтармен оқу-жаттығуларын өткізу кезінде сұңгуір қайықтармен ілесіп жүзетін суңсті әскери корабльдері басқа Тараптың әскери корабльдеріне осы ауданда сұңгуір қайықтардың бар екені туралы ескерту үшін Халықаралық сигналдар жиынтығы бойынша немесе осы Келісімге қосымшада қамтылған Арнайы сигналдар кестесі бойынша тиісті сигналмен жүргүте тиіс.

6. Тараптардың әрқайсысының әскери корабльдері ТКСАХҚ-72 З (g) қағидасына сәйкес басқа Тараптың маневр жасау мүмкіндігі шектеулі әскери корабльдеріне, атап айтқанда, әуе кемелерін ұшыруды немесе қабылдауды қамтамасыз етумен айналысатын әскери корабльдерге, сондай-ақ жүзіп келе жатып қорларды толтырумен айналысатын әскери корабльдерге жақындаған кезде осындай әскери корабльдердің маневр жасауын шектемеу және олардан жеткілікті қашықтықта қалу үшін тиісті шаралар қолдануға тиіс.

7. Тараптардың әскери корабльдері мен әскери корабльдерінің топтары теңізде жүзу қауіпсіздігін қамтамасыз ету мүддесіне орай қарқынды кеме қатынасы және өзге де шаруашылық-экономикалық қызмет аудандарында қауіпті маневр жасамайды.

8. Тараптардың әскери корабльдері мен әуе кемелерінің іс-қимылы осы Келісімнің ережелеріне сәйкес Тараптардың егемендік және айрықша құқықтарына нұқсан келтірмей жүзеге асырылады және Тараптардың егемен және айрықша құқықтарын жүзеге асыруда ақталмаған кедергіге әкеп соқпауға тиіс.

5-бап

1. Тараптардың әрқайсысының әуе кемелері басқа Тараптың әуе кемелеріне немесе әскери корабльдеріне, әсіресе, әуе кемелерін ұшыруды немесе қабылдауды қамтамасыз етумен айналысатын әскери корабльдерге жақындаған кезде барынша сақтық танытуға тиіс.

2. Тараптардың әуе кемелері:

- a) басқа Тараптың әскери корабльдеріне және әуе кемелеріне шабуылдауды имитациялауды немесе қару қолдануды имитациялауды қолданбауға тиіс;
- b) басқа Тараптың әскери корабльдері мен әуе кемелеріне тікелей жақын жерде әртүрлі пилотаждық фигуralар мен қауіпті маневр жасауды орындауға тиіс;
- c) басқа Тараптың әскери корабльдері мен әуе кемелері бағытына қандай да бір заттарды теңізде жүзуге және ұшуға кедергі келтіретіндегі етіп тастамауға тиіс;
- d) прожекторларды немесе басқа да жарықтандыру құралдарын басқа Тараптың әскери кораблін немесе әуе кемесін басқаруда кедергі келтіретіндегі етіп пайдаланбауға тиіс;
- e) лазерлер мен кез келген басқа да техникалық құралдарды басқа Тараптың әскери кораблін немесе әуе кемесін басқаруда кедергі келтіретіндегі, олардағы жеке құрамның денсаулығына зиян келтіретіндегі немесе жабдыққа залал тигизетіндегі етіп қолданбауға тиіс;
- f) басқа Тараптың әскери корабльдері мен әуе кемелерінің радиоэлектрондық және навигациялық құралдарына қасақана кедергі жасамауға тиіс.

3. Тараптар әуе кемелерінің тәуліктің қараңғы уақытында немесе нашар көріну жағдайларында ұшу кезінде аeronавигациялық шамдары қосылып тұруға тиіс.

6-бап

1. Тараптардың әскери корабльдері мен әуе кемелері радиобайланысты орнату кезінде "ұлты) warship/aircraft" нысаны бойынша өзінің ұлты туралы ақпаратты қамтитын ағылшын тіліндегі шақыру белгілерін пайдаланады.

2. Радиобайланыс ағылшын немесе басқа да қолайлы тілдерде жүзеге асырылады.

3. Тараптардың әскери корабльдері мен әуе кемелері ақпарат алмасу және өзара жақсы түсіну үшін:

а) Тараптардың әскери корабльдері арасында - осы Келісімнің 4-бабының З-тармағына сәйкес жиіліктердегі радиобайланысты пайдаланады. Бастапқы байланыс орнатылғаннан кейін жұмыс бабында алмасу командирлердің уағдаластығы бойынша, әдетте халықаралық практикада пайдаланылатын УКТ-диапазондағы арналардың бірінде жүзеге асырылады;

б) бір Тараптың әуе кемесі мен басқа Тараптың әуе кемесі арасында, сондай-ақ бір Тараптың әскери кораблі мен басқа Тараптың әуе кемесі арасында - УКТ-диапазонда 121,5 МГц немесе 243 МГц жиіліктеріндегі радиобайланысты пайдаланады. Бастапқы байланыс орнатылғаннан кейін ақпарат алмасу 130 МГц немесе 278 МГц жиіліктерінде жүзеге асырылады.

7-бап

Тараптардың әскери корабльдері мен әскери корабльдерінің топтары суасты кабельдері мен құбыржолдарының трассалары өтетін, сондай-ақ жасанды аралдар, қондырғылар, құрылыстар орналасқан аудандарда осы объектілерге және олардың қызметіне қатер төндіретін кез келген іс-қимылдардан тартынатын болады.

8-бап

1. Тараптар навигациялық ақпаратты жеткізу дің белгіленген жүйесі арқылы кемінде :

а) 3 тәулік бұрын - теңізде жүзуге қауіп төндіретін өздерінің әскери корабльдерінің іс-қимылдары туралы құлақтандыру беруді;

б) 7 тәулік бұрын - әуе навигациясына қауіп төндіретін өздерінің әскери корабльдері мен әуе кемелерінің іс-қимылдары туралы аэронавигациялық ақпарат қызметінің хабарламаларын беруді қамтамасыз етеді.

2. Басқа Тараптар мемлекеттерінің балық аулайтын аймақтарында осы баптың 1-тармағында айтылатын іс-қимылдарды жүргізу аудандарын белгілеуге жол берілмейді.

Ортақ су кеңістігінде осындай аудандарды белгілеу оларда жасанды аралдар, қондырғылар, құрылыстар болмаған жағдайда ғана мүмкін болады. Осындай ауданды белгілеген Тарап өзінің басқа Тараптарға келтірғен залалы үшін жауапты болады.

3. Тараптардың әрқайсысы әскери корабльдер мен әуе кемелері командирлерінің осы баптың 1-тармағына сәйкес бұл туралы ақпарат берілген, іс-қимылдар жүргізу аудандарында барынша сақтық танытуы үшін қажетті шаралар қабылдайды.

9-бап

Тараптардың әскери корабльдері мен әуе кемелері арасында нәтижесінде материалдық залал келтірілген тосын оқиғалар және теңіздегі басқа да тосын оқиғалар жағдайлары немесе оларға алып келуге қабілетті жағдайлар туралы Тараптар дипломатиялық арналар арқылы уақтылы тиісті ақпарат алmasады.

10-бап

Осы Келісімнің ережелерін түсіндіруге немесе қолдануға байланысты кез келген келіспеушіліктер мен даулар Тараптар арасында консультациялар мен келіссөздер жүргізу арқылы шешіледі.

11-бап

1. Осы Келісімнің ережелері барлық Тараптардың уағдаластығы бойынша өзгертілуі немесе толықтырылуы мүмкін.

2. Осы Келісімге өзгерістер мен толықтырулар оның ажырамас бөлігі болып табылады және осы Келісімнің 13-бабында көзделген тәртіппен күшіне енетін жекелеген хаттамалармен ресімделеді.

12-бап

Қазақстан Республикасы осы Келісімнің Депозитарийі болып табылады.

13-бап

1. Осы Келісім белгіленбеген мерзімге жасалады және Тараптардың оның күшіне енуі үшін қажетті мемлекетішлік рәсімдерді орындағаны туралы соңғы жазбаша хабарламаны Депозитарий алған күннен бастап отызыншы күні күшіне енеді.

2. Тараптардың әрқайсысы өзінің осы Келісімнен шығу ниеті туралы Депозитарийге жазбаша хабарламаны жіберу арқылы осы Келісімге өзінің қатысуын тоқтата алады. Бұл Тарап үшін осы Келісім Депозитарий осындай хабарламаны алған күннен бастап он екі ай ішінде қолданыста болады.

3. Осы Келісімнің ережелері Тараптар мемлекеттері қатысуышылары болып табылатын басқа халықаралық шарттардан туындастын Тараптардың құқықтары мен міндеттемелерін қозғамайды.

2018 жылғы 12 тамызда Ақтау қаласында әзербайжан, қазақ, орыс, түрікмен, парсы және ағылшын тілдерінде бір төлнұсқа данада жасалды әрі барлық мәтіндер тең түпнұсқалы болып табылады.

Келіспеушіліктер туындаған жағдайда Тараптар ағылшын тіліндегі мәтінді пайдаланады.

Төлнұсқа данасы Депозитарийге сақтауға тапсырылады, ол осы Келісімнің расталған көшірмелерін Тараптарға жібереді.

Әзербайжан Республикасының Үкіметі үшін

Иран Ислам Республикасының Үкіметі үшін

Қазақстан Республикасының Үкіметі үшін

Ресей Федерациясының Үкіметі үшін

Түрікменстан Үкіметі үшін

Каспий теңізінде тосын

оқиғаларды болғызбау туралы

келісімге қосымша

Арнайы сигналдар кестесі

Айырым сигналы: YV1

(келесі топ осы сигналмен алдын ала ескертіледі)

Сигнал	Сигналдардың мағынасы

1	2
IR1	Мен мұхиттану жұмыстарымен айналысадамын
IR 2 /.../	Менің бортымның сыртында кеменің артқы жағында _____ метр гидрографиялық зерттеу аппаратуrasesы бар (тіркеп тартудамын)
IR3	Мен бортқа гидрографиялық зерттеу аппаратурасын көтерудемін
IR4	Мен құтқару жұмыстарымен айналысадамын
JH1	Мен кемені қайраннан шығаруға тырысадамын
MH1	Менің бағдарымды алдыңғы жағымнан кесіп өтпеуді сұраймын
NB 1 /.../	Менен _____ бағытта/III МСС кестесі/ менің бортымның сыртында тіркелмейтін гидрографиялық зерттеу аспаптары бар
PJ1	Мен бағдарымды оңға өзгерте алмаймын
PJ2	Мен бағдарымды солға өзгерте алмаймын
PJ3	Абайлаңыз, менің рульдік басқаруым іsten шықты
PP 8 /.../	Қауіпті операциялар жүргізілуде. Менен _____ жақтағы бағытта /III МСС кестесі//болмауды сұраймын _____
QF1	Абайлаңыз, мен жүрісімді баяулаттым
QS 6 /.../	Мен бағдар бойынша зәкір тұрағына бет алдым
QV2	Мен екі немесе одан көп зәкірді немесе кеменің алдыңғы және артқы жағынан бекіту бөшкелерін пайдалана отырып, мықты бекітілгенмін. Кедергі келтірмеуді сұраймын.
QV3	Мен борттың сыртында гидрографиялық зерттеу аппаратурасымен үлкен тереңдіктегі зәкірде тұрмын
RT2	Мен сіздің сол жақ бортыңыз жағымен өтүге ниеттенудемін
RT3	Мен сіздің оң жақ бортыңыз жағымен өтүге ниеттенудемін
RT4	Мен сол жақ бортыңыз жағынан сізді басып озамын
RT5	Мен оң жақ бортыңыз жағынан сізді басып озамын
RT 6 /.../	Мен _____ маневр жасаудамын (Құрама маневр жасауда). Менен _____ жақтағы бағытта /III МСС кестесі//болмауды сұраймын _____
RT 7 /.../	Мен сіздің кораблінізге оң жақ борттан _____ жұз метр (ярд) қашықтықта жақындаймын
RT 8 /.../	Мен сіздің кораблінізге сол жақ борттан _____ жұз метр (ярд) қашықтықта жақындаймын
RT 9 /.../	Мен сіздің кораблініздің артқы жағынан _____ жұз метр (ярд) қашықтықта өтемін
RU 2 /.../	Мен _____ шамамен минуттан кейін солға бұрыла бастаймын
RU 3 /.../	Мен _____ шамамен минуттан кейін онға бұрыла бастаймын
RU4	Құрама бағдарды сол жаққа өзгертуге дайындалуда
RU5	Құрама бағдарды оң жаққа өзгертуге дайындалуда
RU6	Маневр жасау бойынша оқу-жаттығу өткізудемін, ордер ішінде болу қауіпті
RU7	Мен су астына түсуге дайындалудамын
RU8	Сұнғуір қайық менен екі миль шегінде 30 минуттан кешікпей су бетіне шығатын болады. Кедергі келтірмеуді сұраймын
SL2	Алшактау үшін бағдарыңызды, жылдамдығыңызды және ниетінізді көрсетуді сұраймын

TX1	Мен балық аулауды қадағалаумен айналысадамын
UY1 /.../	Мен _____ бағдар бойынша ұшақты ұшыруға (қондыруға) дайындалудамын
UY2 /.../	Мен зымырандық оқу-жаттығу атысын өткізуге дайындалудамын. Менен _____ III MCC кестесі/ бағытта болмауды сұраймын
UY3 /.../	Мен артиллериядан оқу-жаттығу оқ атысын жүргізуге дайындалудамын. Менен _____ /III MCC кестесі/ бағытында болмауды сұраймын
UY4	Мен жарылғыш заттарды пайдаланып іс-қимыл жасауға дайындалудамын (жүргізіп жатырмын)
UY5 /.../	Менен _____ /III MCC кестесі/ жақтағы бағдар бойынша торпедалық оқу-жаттығу атысын өткізуге дайындалу үшін маневр жасаудамын.
UY6 /.../	Мен _____ бағдарда жүзіп келе жатып қорды толықтыруға дайындалудамын (толықтырудамын). Кедергі келтірмейді сұраймын
UY7 /.../	Мен шағын түсіру құралдарының көп санын пайдаланып, десанттық оқу-жаттығуды өткізуге дайындалудамын. Менен _____ /III MCC кестесі/бағытында болмауды сұраймын
UY8 /.../	Мен десант түсіру құралдарын түсіру (қабылдау) үшін маневр жасаудамын. Менен _____ /III MCC кесте/бағытында болмауды сұраймын
UY9	Мен корабльдің артқы жағында тікүшақпен іс-қимыл жасауға дайындалудамын (жасаудамын)
UY10	Мен артиллериялық жүйелерді тексерудемін
UY11	Мен зымыран жүйелерін тексерудемін
UY12 /.../	Мен тіркеп тартылатын нысаналар бойынша ұшақтардан оқу-жаттығу атыстарын (бомбалауды) өткізуге дайындалудамын (өткізудемін). Менен _____ /III MCC кесте/ бағытында болмауды сұраймын
ZL1	Мен сіздің сигналыңызды қабылдадым және түсіндім
ZL2	Сіз мені түсіндіңіз бе? Раставыңызды сұраймын
ZL3	Сіздің сигналыңыз қабылданды, бірақ түсініксіз

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК